



02-01-2023



## हामब्लायथि रादाब

नोंथांनि लाइजामनि गेजेरजों बिटिआरनि गेलेमु आरो लाइमोन अनसाइ बिफाना [www.syw.bodoland.gov.in](http://www.syw.bodoland.gov.in) मुंनि बिफानारि वेबसाइड बेखेवनो नागिरनाय खौरांखौ मिथिनो मोन्नानै आं जोबोद गोजोन्नाय मोन्दों। लोगोसे बे वेबसाइडआ गेलेमु बिथिंनि गोनांथार गसिबो खौरां आरो खाबुफोरखौ मिथिहोनायनि राहा खालामनो नागिरनाय खौराडा थारैनो जों बयनिबो थाखाय गोजोनथाव बाथ्रा। बिटिआर ओन्सोला मोनसे गेलेमु बिथिंनि गोजों इयुन थानाय गोनांथार ओन्सोला। बे ओन्सोलखौ जों गेलेमु बिथिडाव जेसेबां जोथोन लानो हागोन एसेबां बेनिफ्राय सानसे मुलुग देरहासार गेलेगिरि सोरजिनो हानायनि लामाया गेवगोन। बेनिखायनो बे वेबसाइडयाव गेलेमु आरो राफोदथिजों सोमोन्दो थानाय गसिबो खौरांखौ मिथिहोनाय गाहाम राहा सोरजिनो लानो हागोन होन्नानै मिजिंथिनाय जाबाय। मानोना जोंनि जाखांफुनाय बे हालामनि लाइमोनफोरखौ गेलेमु बिथिंनि गोनांथार रादाबखौ नांगौ समाव नांगौबाइदि रोखोमै मिथिहोनो हायोब्ला बिटिआर हालामनि लाइमोनफोरा गोबां मुलुम्फा जागोन होन्नानै आं फोथायो।

जोबनायाव नोंथांनि गोसो गोथारै नाजानायाव बिटिआरनि गेलेमु आरो लाइमोन अनसाइआ बे खमानिखौ मावनो सिगांबोनायनि थाखाय नोंथांनिसिम साबायखर जासिहरबाय आरो नोंथांनि नाजानायाव बेखेवनो लानाय वेबसाइडआ जेरावबो जेरैबो बिथिडाव साबना-हामना जानायजों लोगोसे गसिबो बिथिडाव जाफुंसारनो हाथों।

(मुसि प्रमद बर')

गाहाय मावपुं सोद्रोमा  
बड'लेण्ड हायुडारि गुथुम  
क'क्राझार।